



MEDLEMSBREV NR. 3 – 2014

Kjære medlem,

<http://www.olavslettoselskapet.no/> er alltid oppdatert, men det er ikkje alle medlemmene i selskapet som har denne tilgangen, så difor tek me ein kort gjennomgang her.

Aktivitetar

Marknad på Holsdagen 2. august

Holsdagen hadde i år marknad for fyrste gong og OSS-styremedlem Grethe L Rudningen var der med Per Gjetar-bøkene og OSS-info.

Erling Rimehaug med spennande kåseri i Geilo kulturkyrkje 11. september

Temaet var «Naturtru og gudstru – parallelle truer i norsk trushistorie». Rimehaug ga si personlege oppfatning av temaet basert på «Soga um Røgnaldfolket» av Olav Sletto. Det var 36 fram møtte. Olav Sletto-selskapet tok initiativ til møtet, som var eit samarrangement med Geilo kulturkyrkje og Ål kyrkjeakademi. Rimehaugs foredrag sto i Hallingdølen 18. oktober, og blir publisert i OSS-årsheftet 2015.

Dølaminne 2014 lansert på Nes 16. november - to kvinnehistorier frå Hol

OSS-styremedlem Maria Søndrål (bildet) fortalte om dei to bidraga frå Hol: Rettsaka mot den gravide oldemor si, Åse Nestegard, i 1859, og Eva Almhjells artikkel om Anne Jensdotter Sletto. Dette er kvinnehistorie som aukar breidda i både den lokale og nasjonale historia. Redaktør Kjell Snerte uttalte til Hallingdølen etter lanseringa at kvinnehistorie er underkommunisert og kanskje kan me vente fleire sterke historier i framtidige Dølaminne.



“Per Gjetar” blei lansert på Perstølen Libris 26. oktober i fjor og er kjøpt inn av Hol og Ål kommuner, der boka inngår i Den kulturelle skulesekken m.v. Julia står for døra, og boka bør liggje under alle juletre i hus og hytter i heile Hallingdal. Boka fins i bokhandlane i Hallingdal, og kan kjøpast direkte frå Boksmia forlag www.boksmia.no. Per Gjetar ISBN 978-82-91871-32-5

Planar framover

Ny informasjonstavle om Olav Sletto og Olav Sletto-selskapet

kjem i løpet av 2015 opp i Slettosvingen opp mot Holsåsen.

Foredrag om Anne J Sletto vinter/vår 2015

5. februar kl. 11 på Vika velferdssenter i Hol.

16. april kl. 1900 - Digitalt slektsforum i Stokke/Vestfold. Eva Almhjell fortel om arbeidet med boka «Utanfor ekteskap» og hovudpersonen i denne, Anne Jensdotter Sletto, gift Anna Olsen..

Laurdag 7. februar 2015 lanserer vi boka “UTANFOR EKTESKAP”

på Holms hotell på Geilo. Holms var Annes arbeidsplass i meir enn 30 år. Her held sonen, Olav, sitt sterke foredrag for 100 år sidan, og her førde han mor si «til sætes» på fyrste benken i ein fullsett festsal. Set av dagen. Meir info kjem.

Boka vil bli seld til gunstig pris til dei som kjem, og ho kan tingast på førehand.

Lanseringspris kr. 250, og same ved førehandstinging (utsalspris ca. kr. 300). Beløpet ber vi dykk innbetala på kontrnr. 2333 22 62998.

Skriv «Anne-bok» og namnet ditt i merknadsfeltet.

Årsmøtet 2015 på Vika velferdssenter fredag 10. april kl. 1900

Etter årsmøtet kåserer Arne Skogheim, tidlegare mangeårig leiar i Olav Sletto-selskapet, om Olverbøkene, Olav Slettos sjølvbiografi i fem band. Set av kvelden. Meir infor kjem.

Medlemskontingenten 2015 - 200 kr.

Enkel innbetaling til kontrnr. 2333 22 62998 – helst innan 1. februar 2015.. Minner om namn og e-adressa i meldingsfeltet. Tusen takk!

Medlemsinformasjon og nyhende blir publisert etter kvart på www.olavslettoselskapet.no

SLETTO-MATERIALET I BYGDEARKIVET

Katalogen over Sletto-materialet i Hol Bygdearkiv finn du på www.olavslettoselskapet.no

Velkommen til arrangementa våren 2015!